



PRESS RELEASE

প্রেস বিজ্ঞপ্তি

ইউএসএআইডি জরুরি খাদ্য সাহায্য হিসেবে বাংলাদেশকে এক কোটি ডলারের বেশি প্রদানের প্রতিশ্রুতি দিয়েছে

ওয়াশিংটন, ডি.সি. -- আমেরিকার জনগণ যুক্তরাষ্ট্র আন্তর্জাতিক উন্নয়ন সংস্থার (ইউএসএআইডি) মাধ্যমে ঘূর্ণিবাড় সিডরে আক্রান্ত বাংলাদেশীদেরকে জরুরি ত্রাণ ও পুনরুৎসাহ কার্যক্রমের জন্য এক কোটি ডলারের বেশি মূল্যের শান্তির জন্য খাদ্য সাহায্য প্রদান করার প্রতিশ্রুতি দিয়েছে।

এই সহায়তায় অন্তর্ভুক্ত আছে তিন হাজার টন শান্তির জন্য খাদ্য সাহায্য, যা ইতিমধ্যে ইউএসএআইডি কর্তৃক কেয়ার ও সেভ দ্য চিল্ড্রেনকে প্রদত্ত অনুদানের অংশ হিসেবে বাংলাদেশে আছে। দেশে থাকা এই মজুদ তৎক্ষণিকভাবেই বিতরণ করা হবে। বাকি পণ্য পরে আসবে।

কেয়ার ও সেভ দ্য চিল্ড্রেন যে খাদ্য সাহায্য বিতরণ করছে তা সহ, বাংলাদেশে ত্রাণ তৎপরতায় সাহায্য করতে যুক্তরাষ্ট্র জরুরি তহবিল, পণ্য এবং পরিবহন বাবদ এক কোটি ৪৪ লক্ষ ডলারের বেশি প্রদান করেছে।

গণতন্ত্র, সংঘাত ও মানবিক সহায়তা বিষয়ক ইউএসএআইডি সহকারী প্রশাসক মাইকেল হেস বলেন, “এই খাদ্য সহায়তা কেবল জীবন বাঁচানোর জন্যই নয়, বরং এই প্রয়োজনের মুহূর্তে বাংলাদেশের জনগণের জন্য আমেরিকার জনগণের শুভেচ্ছার সুস্পষ্ট বহিঃপ্রকাশ।”

যুক্তরাষ্ট্র সরকার ঘূর্ণিবাড় দুর্গতদের প্রতি সাড়াদান এবং পুনরুৎসাহ কাজে বাংলাদেশকে সাহায্য করতে সর্বপ্রকার সহায়ক উপকরণ জোগাড় করছে। নয় সদস্য বিশিষ্ট ইউএসএআইডি-এর ‘দুর্যোগ সহায়তা সাড়াদান দল’ (ডার্ট) এখন বাংলাদেশে আছে। তারা বাংলাদেশ সরকারের সাথে যুক্তরাষ্ট্রের ত্রাণ ব্যবস্থাপনায় সমন্বয় করতে সাহায্য করবে। মাঠ পর্যায়ে ক্ষয়ক্ষতি নিরূপণ করতে ডার্ট স্থানীয় কর্তৃপক্ষের সাথে করছে, যাতে যুক্তরাষ্ট্র সরকার আর কোন কোন ক্ষেত্রে সহায়তা করতে পারে সে প্রয়োজনগুলো চিহ্নিত করা যায়। ডার্টের সদস্যদের মধ্যে আছেন বিভিন্ন ক্ষেত্রে, যেমন খাদ্য নিরাপত্তা, পানি ও স্যানিটেশন, স্বাস্থ্য, আশ্রয়কেন্দ্র, জীবিকা প্রভৃতি বিষয়ে বিশেষজ্ঞবৃন্দ।



USAID
FROM THE AMERICAN PEOPLE

PRESS RELEASE

বাংলাদেশ সরকারের সাথে সমন্বয়ের মাধ্যমে ইউএসএস কিয়ারসার্জ এবং ২২তম মেরিন এক্সপেডিশনারি ইউনিট দুর্গত এলাকায় মানবিক সহায়তা/দুর্যোগ ত্রাণ তৎপরতা পরিচালনা করছে। ‘ইউএসএস তারাওয়া’-ও বাংলাদেশে আসছে সাহায্য করার জন্য। যুক্তরাষ্ট্রের প্রতিরক্ষা দফতরের ১৮-সদস্য বিশিষ্ট একটি চিকিৎসা দল এবং একই দফতরের ২৩ বিশিষ্ট একটি মানবিক সহায়তা জরিপ দল ও ত্রাণ তৎপরতায় সাহায্য করছে।

বাংলাদেশে ইউএসএআইডি'র ত্রাণ ও পুনরুদ্ধার তৎপরতা সম্পর্কে আরো তথ্যের জন্য অনুগ্রহ করে পরিদর্শন করুন:
http://www.usaid.gov/locations/asia_near_east/cyclone_sidr/।

=====

আমেরিকার জনগণ যুক্তরাষ্ট্র আন্তর্জাতিক উন্নয়ন সংস্থার (ইউএসএআইডি) মাধ্যমে প্রায় ৫০ বছর ধরে বিশ্বব্যাপী অর্থনৈতিক ও মানবিক সহায়তা প্রদান করেছে।

জিআর/ ২০০৭

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮০৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।